




საშურის მოაზება



№7 (478) 3 მარტი, ორშაბათი, 2025 წელი

3 მარტი დედის დღეა



ლესია უკრაინკას დაბადების 154 წლის იუბილესთან დაკავშირებით, მუნიციპალიტეტის წარმომადგენლებმა, დაბა სურამში, პოეტის ბიუსტი ყვავილებით შეამკეს.



მოქალაქეთა საყურადღებოდ!

ძვირფასო საშურელებო, მუნიციპალიტეტის მერია მადლობას გიხდით გაგებისა და მოთმინებისთვის, რასაც თითოეული თქვენგანი იჩენს ღიადობით გამოწვეულ პრობლემებთან გამკლავებისას.

მუნიციპალიტეტი იყენებს ყველა არსებულ რესურსს, რათა გაიწმინდოს ცენტრალური და სოფლებთან მისასვლელი გზები.

გვინდა, განსაკუთრებული მადლიერება გამოვხატოთ ყველა იმ პირის თუ კომპანიის მიმართ, ვინც უნაგროდ უხმარება მუნიციპალიტეტს ღიადობის შედეგების ლიკვიდაციაში.

ბოლო დღეებში მოსახლეობის მხრიდან განსაკუთრებით მოიმატა მომართვიანობამ კერძო უზოების და კერძო სახლების სახურავების თოვლისგან გათავისუფლების მოთხოვნით.

მიუხედავად ჩვენი ღიდი სურვილისა მაქსიმალურად დავხმაროთ მოსახლეობას, არსებული რესურსის და უსაფრთხოების ნორმების გათვალისწინებით, ამ სახის კერძო მოთხოვნები დაკმაყოფილებული იქნება მხოლოდ გამონაკლის შემთხვევებში, რაც მოიცავს მარტოხელა, უნარშეზღუდული ბენეფიციარების დახმარებას.

არსებული რესურსის გათვალისწინებით, ამ ეტაპზე ასევე ვერ ხერხდება ჩიხების გაწმენდა, ვინაიდან რესურსი მთლიანად ხმარდება ცენტრალურ გზებს და 82 სოფელთან მისასვლელი გზების გაწმენდით სამუშაოებს.

მუნიციპალიტეტი მადლობას უხდის ა(ა)იპ "საშურსერვისის" თითოეულ თანამშრომელს მათ მიერ გაწეული საქმიანობისთვის.

მუნიციპალიტეტის მერია

(გრცლად მასალა სტიქიის შესახებ იხილეთ II გვერდზე)



სტიქია გვიტევს, სტიქიას ვებრძვით

ბოლო წლებია, ჩვენს მუნიციპალიტეტში, განსაკუთრებით კი ხანდაზმული ადამიანები, მუდამ საზგასმით აღნიშნავდნენ, რომ კლიმატური ცვლილება მკვეთრად შეეხო ხაშურს. ამის დასტურად უამრავი მაგალითი მოჰყავთ და უნდა აღინიშნოს, რომ არცერთი საფუძველს



მოკლებული. თუნდაც ის ფაქტი რად ღირს, რომითიქმისოციწელია, ხაშურს „ხაშურული“ თოვლი აღარ უნახავს. წლებია ამინდის შესახებ მცირე ჩანაწერებს ვაწარმოებ. ამ დღეებში ჩემს „მეზუარებს“ გადავხედე და ბოლო დიდთოვლობა 2006-2007 წლებში ფიქსირდებოდა, მანამდე კი - 1985 და 1993 წლებში აქ დიდთოვლობაზეა საუბარი, თორემ 30-40 სანტიმეტრის სიმაღლის თოვლითაბა, რომელ ხაშურელს გააკვირვებ? თურმე სად ვართ! ზოგადად, თებერვალი, როგორც წესი, ყველაზე ნალექიანი თვეა ჩვენი მუნიციპალიტეტისათვის. ასე იყო წლების უკან და აგერ, გვიბრუნდება, მგონი, ის ძველი წლები. ამ დალოცვილმა ამინდმა, 21 თებერვალს რომ მოიღრუბლა, აღარც გაუხსნია პირი და მუჭისხელა ფიფქები გვაყარა მთელი კვირა. მათალმთიან სოფლებში თუ სურამის შემოგარენში ერთმეტრიან ზღვარს გასცდა თოვლის საფარი. 27 თებერვალს, შუადღის შემდეგ, როგორც იქნა, მზე გამოჩნდა, თორემ ერთი დღეც რომ გაგრძელებულიყო თოვა, უმძიმესი შედეგები შეიძლება დამდგარიყო.



ხაშურის მუნიციპალიტეტის მერია, მერიის ყველა სამსახური მობილიზებული შეხვდა სტიქიას. ყველა თითქმის ოცდაოთხსაათიან რეჟიმში ჩაერთო სამუშაოებში, რამაც, საბოლოო ჯამში, შედეგაც გამოიღო. რაც მთავარია, ადამიანური ფატალური შედეგი აცილებულ იქნა. ათერთულამდე მძიმე ტექნიკა პირველი დღეებიდანვე გაგზავნა კრიტიკულ სიტუაციაში მყოფი სოფლებისაკენ. „ხაშურსერვისის“ ყველა თანამშრომელი ჩაება სტიქიის წინააღმდეგ ბრძოლაში. მისასალმებელია, რომ კერძო კომპანიებიც აქტიურად დაუდგნენ გვერდში მოსახლეობას და ტექნიკითა და ადამიანური რესურსით უწევდნენ დახმარებას. უპირველეს ყოვლისა, ტექნიკა მუნიციპალიტეტის ე.წ. შორეული სოფლებისაკენ გაიგზავნა. გაიწმინდა ჩორჩანას, ბეკმის, წაღვლის, ბროლოსნის, ცოცხნარის, ციფყაროს მისასვლელი გზები. საბედნიეროდ, მართლაც იყოჩაღეს გაზისა და ელექტროენერჯის კომპანიებმა და, ფაქტობრივად, ორივე რეგულარულად მიეწოდებოდა მოსახლეობას. მომდევნო დღეებში მძიმე ტექნიკა თითქმის ყველა სოფელში შევიდა. ტექნიკური მარილი იყრებოდა ქალაქის და სურამის ცენტრალურ ქუჩებში. შიდა ქართლის გუბერნატორი ლევან ხარაბაძე ადგილზე ეცნობოდა სიტუაციას და მუნიციპალიტეტის მერთან, თენგიზ ჩიტიაშვილთან და საგანგებოდ შექმნილი შტაბის წევრებთან ერთად, ყველა კრიტიკულ სიტუაციას აგვარებდნენ. 28 თებერვლიდან, როგორც იქნა, თოვა შეწყდა, თუმცა სტიქიის სალიკვიდაციო სამუშაოები არ შეწყვეტილა და დღემდე გრძელდება. ამინდის უახლოესი პროგნოზით, ასეთი ინტენსიურ თოვა აღარ გაგრძელდება, თუმცა მარტის პირველი დეკადა ძლიერი ყინვებით აღინიშნება და შესაძლოა -15 გრადუსამდეც დაეცეს ტემპერატურა. იმედია, ამასაც იოლად გაუმკლავდება ჩვენი მუნიციპალიტეტი, რადგან მერიაში მიღებული პრევენციული ზომები, ამის თქმის საფუძველს იძლევა.



გ. გოგოლაძე



ანგარიში

ა(ა)ი.პ „ხაშურსერვისის“ ანგარიში 2024 წელს

გაწეული საქმიანობის შესახებ

ხაშურის მუნიციპალიტეტის საკრებულოს 2023 წლის 18 დეკემბრის N 28 დადგენილებით, ხაშურის მუნიციპალიტეტის დასახლებებში ქალაქისა და სოფლის ზონების დასუფთავებისა და სანიტარული ღონისძიებების, საგზაო ინფრასტრუქტურის, გარე განათების მოვლა-პატრონობის და სასაფლაოს მოწყობისა და მოვლის-პატრონობის ღონისძიებების პროგრამის განხორციელებისათვის ადგილობრივი ბიუჯეტიდან 2024 წლისათვის გამოყოფილი 2 052 818 ლარის სუფსიდი (დაფინანსება).

2024 წლის ივლისის თვეში, მუნიციპალიტეტმა გადმოგვცა სამი ერთეული ახალი ტაქნიკა (ორი - ნაგავმზიდი ავტომანქანა და

	ხელფასი	საქონელი და მომსახურება	სულ დაფინანსება
1 დასუფთავება და სანიტარული ღონისძიებები	839240	464071	1303311
2 ხაშურის მუნიციპალიტეტის გარე განათება	102061	233107	335168
3 ხაშურის მუნიციპალიტეტის შიდა გზების მოვლა-პატრონობა	178378	168238	346616
4 სასაფლაოს მოვლა-პატრონობა	38043	29680	67723
ჯამი	1 157 722	895 095	2 052 818

ერთი - ექსკავატორ დამტვირთი) , რომელთა ექსპლუატაციისათვის საჭირო შეიქმნა დაფინანსების გაზრდა, (მძღოლების, მუშებისა და ავტომანქანების ტექნიკური მომსახურებისათვის) . დამატებული იქნა 104670 ლარი. რის შემდეგმ მთლიანმა დაფინანსებამ შეადგინა 2 157 488 ლარმა.

ა(ა)ი.პ „ხაშურსერვისის“ 2024 წლის დანახარჯთა გეგმით გათვალისწინებული იყო 2 157 488,43 ლარის ხარჯი. ფაქტიურად გახარჯული იქნა ადგილობრივი ბიუჯეტიდან 2 053 815, 37 ლარი, ხოლო საკუთარი შემოსავლებიდან შემოსავალმა შეადგინა 134610 ლარმა, ხოლო ხარჯმა 95916,1 ლარმა.

	ხელფასი	საქონელი და მომსახურება	სულ დაფინანსება
1 დასუფთავება და სანიტარული ღონისძიებები	872010,47	501641,48	1373651,95
2 ხაშურის მუნიციპალიტეტის გარე განათება	102061	244261,71	346322,71
3 ხაშურის მუნიციპალიტეტის შიდა გზების მოვლა-პატრონობა	167370,32	201196,19	368566,51
4 სასაფლაოს მოვლა-პატრონობა	38043	30864,26	68907,26
ჯამი	1179484,8	977963,64	2 157 488,43

ხაშურის მუნიციპალიტეტის საკრებულოს მიერ დამტკიცებული პროგრამით გათვალისწინებული საქმიანობისათვის ჩატარებული იქნა 14 კონსოლიდირებული ტენდერი თანხით - 420 656,86 ლარის, 11 ელექტრონული ტენდერი თანხით 313 663 ლარის, გამარტივებული წესით 48 მომწოდებელიდან შეძენილი იქნა 150919,37 ლარის საქონელი და მომსახურება.

2024 წელს შეძენილი იქნა 157667 ლიტრი დიზელის საწვავი, თანხით 417885,8 ლარის, ბენზინი 9340 ლიტრი, თანხით -24065,16 ლარი, საავტომობილო გაზი შეძენილი იქნა 90959 კმ, თანხით 131890,82 ლარის, საავტომობილო ზეთი 4855 ლიტრი, 35430 ლარის, ასევე, შეძენილი იქნა 75549 ლარის ელექტრო საქონელი და 53665,30 ლარის სათადარიგო ნაწილები. ხელფასის, პრემიისა და დანამატის სახით ადგილობრივი ბიუჯეტიდან გაიცა გაცემული იქნა 1251032,40 ლარი, საკუთარი შემოსავლებიდან, გარე განათების მუშებზე და მესაფლავეებზე გაცემული იქნა- 9070,35 ლარი.

ხაშურის მუნიციპალიტეტის დასახლებებში ქალაქისა და სოფლის ზონების დასუფთავებისა და სანიტარული ღონისძიებების პროგრამის განხორციელებისათვის ადგილობრივი ბიუჯეტიდან გამოყოფილი იქნა 1 373651,95 ლარი, საიდანც ხელფასის ფონდი შეადგენს 872010,47

ლარს, ხოლო საქონელი და მომსახურების მუხლი განისაზღვრა 501641,48 ლარით. დასუფთავების პროგრამის შესრულებაზე დასაქმებულია 128 თანამშრომელი. ერთი მენეჯერი, 5 სპეციალისტი, 4 მუშა-ბრიგადირი, 38 მეუზოვე, 32 მუშა, 22 დასუფთავების ქვითრების დამრიგებელი, 6 დამლაგებელი, 13 მძღოლი. დასუფთავების პროგრამის შესასრულებლად მუნიციპალიტეტის ტერიტორიაზე განთავსებულია 1100 ლიტრიანი 934 ცალი ნაგვის კონტეინერი (298 ცალი პლასტმასი, 636 ცალი რკინის) , მუნიციპალიტეტის ტერიტორიაზე ყველა დასახლებულ პუნქტზე სანაგვე კონტეინერების სრულად განთავსებისათვის საჭიროა შეძენილი იქნას სულ მცირე 1000 ცალი სანაგვე კონტეინერი. საყოფაცხოვრებო ნარჩენების ტრანსპორტირებაზე გამოიყენება ექვსი ერთეული ნაგავმზიკრები სპეცტექნიკა და ხუთი სატვირთო ავტომანქანა. ყოველდღიურად ქ.ხაშურში იგვება 48100 მ², ხოლო დაბა სურამში 15500

მ² ფართი. თვეში ერთხელ ვახორციელებთ ქ.ხაშურში და დაბა სურამში საავტომობილო მაგისტრალის მიმდებარე ტერიტორიის დასუფთავება -გაწმენდას 638000 მ² - ზე. 2024 წელს ნაგავსაყრელზე გატანილი იქნა 85049 კმ საყოფაცხოვრებო ნარჩენები. 2024 წლის ადგილობრივი ბიუჯეტიდან დასუფთავების პროგრამის შესასრულებლად მიღებული იქნა 1 315 456,57 ლარი . საკუთარი შემოსავლებიდან მიღებული იქნა 127145 ლარი ლარი.

ხაშურის მუნიციპალიტეტის დასახლებებში გარე განათების სისტემის მოვლა- შენახვასა და რეაბილიტაციაზე ადგილობრივი ბიუჯეტიდან, 2024 წლის პროგრამით გათვალისწინებული სამუშაოებისათვის ,გამოყოფილი იყო 346322 ლარი.საიდანაც ხელფასის ფონდი შეადგენს 102061 ლარს,ხოლო საქონელი და მომსახურების მუხლი განისაზღვრა 244261,71 ლარით. გარე განათების ელექტრო ხაზების სიგრძეა 405325 მეტრი. ელექტრო სადენების ბოძები განლაგებულია ყოველ 35 მეტრში და სულ აღირიცხება 11581 ელექტრო საყრდენი ბოძი და ამდენივე სანათი. 11581 ელექტრო საყრდენი ბოძიდან 10933 ბოძი არის ელქსელების საკუთრებაში , ხოლო 648 ბოძი მუნიციპალიტეტის საკუთრებაა. გარე განათების 11581 სანათიდან 3500 არის დიოდური სანათი, ხოლო დანარჩენი 8081 სანათი არის ჩვეულებრივი დიოდური ნათურა.

გარე განათების სისტემის მოვლა-შენახვასა და რეაბილიტაციაზე დასაქმებულია რვა თანამშრომელი: ერთი მენეჯერი. ერთი ბრიგადირი, ოთხი ელექტრიკოსი, ორი მძღოლი , რომლებიც ემსახურებიან ორ სპეცავტომანქანას (ამწეკალათს).

2024 წელს გარე განათების მოვლა-პატრონობისათვის საჭირო მასალების შესაძენად ჩატარდა სამი ელექტრონული ტენდერი თანხით 75549 ლარი. შეძენილი იქნა სხვადასხვა ამპერისა და ტიპის ნათურა და სხვადასხვა სახის ელექტრო საქონელი, რომლებიც გამოყენებული იქნა მუნიციპალიტეტის დასახლებებში არსებული გარე განათების სისტემის მოვლა-შენახვის სამუშაოების შესასრულებლად. 2024 წელს გარე განათების მოვლა შენახვასა და რეაბილიტაციაზე ადგილობრივი ბიუჯეტიდან გაიხარჯა 312945,54 ლარი, ხოლო საკუთარი შემოსავლებიდან გახარჯული იქნა 31218,8 ლარი. გარე განათების მოვლა - შენახვაზე გახარჯული იქნა შემდეგი ელექტრო საქონელი: ნათურა დიოდური 23 ვატიანი-6067 ცალი, ნათურა დიოდური 35 ვატიანი - 551 ცალი, სანათი დიოდური 40ვატიანი -259 ცალი, პროექტორი დიოდური 50ამპერიანი- 37 ცალი. პროექტორი 100 ვტ-ნი-8 ცალი, პროექტორი 30ვტ-იანი 80ცალი, პროექტორი 50ვტ-იანი - 1 ცალი, პროექტორი 10ვტ-იანი - 2 ცალი. ლედ ქუჩის სანათი 30 ვტ-იანი - 300 ცალი, სადენი ალუმინის 2*16 მმ2 - 3385 მეტრი, სადენი ალუმინის 2*2,5 მმ2 - 190 მეტრი.

ხაშურის მუნიციპალიტეტის შიდა გზების მოვლა-პატრონობაზე 2024 წელს ადგილობრივი ბიუჯეტიდან გამოყოფილი იქნა 368566,51 ლარი, შიდა გზების მოვლა -პატრონობაზე დასაქმებულია ექვსი თანამშრომელი: ერთი მენეჯერი, ერთი გზის ინჟინერი, ოთხი მექანიზატორი, სამი ერთეული საგზაო ტექნიკა: გზის გრეიდერი, ექსკავატორ-დამტვირთი და მუხლახანანი ტრაქტორი. ტენდერზე შეძენილი იქნა 1500 კმ ღორღი, რომელიც გამოყენებული იქნა მუნიციპალიტეტის შიდა გზების შეკეთებაზე. 285 კილომეტრი სიგრძის შიდა გზების მოსწორება-დახრეშვა-დაშებულების სამუშაოებზე გახარჯული იქნა 1500 კმ ქვიშა-ღორღი და ქველმოქმედების სახით მიღებული 2000 კმ ხრეში. 2024 წელს შიდა გზების მოვლა-პატრონობისათვის ადგილობრივი ბიუჯეტიდან მიღებული იქნა 327550365418,23 ლარი, ხოლო საკუთარი შემოსავლებიდან გახარჯული იქნა 24808,7 ლარი.

მუნიციპალიტეტის დასახლებაში სასაფლაოების მოწყობისა და მოვლის ღონისძიებებზე, 2024 წლისათვის, ხაშურის მუნიციპალიტეტის საკრებულომ გამოყოფილი 68907,26 ლარი. (ხელფასისათვის - 38043 ლარი, საქონელი და მომსახურებისათვის - 30864,26 ლარი) 2024 წელს შემოსული იქნა 71 განცხადება საფლავის ადგილის გამოყოფაზე, ყველა განცხადება დაკმაყოფილებული იქნა. ადგილობრივი ბიუჯეტიდან გახარჯული იქნა 59974,63 ლარი. ხოლო საკუთარი შემოსავლებიდან მიღებულმა თანხამ შეადგინა 7465 ლარმა.

ზ. ნოზაძე , ა(ა)ი.პ „ხაშურსერვისის“ დირექტორი

(გაგრძელება. დასაწყისი იხ. „ხმ“ 2023წ.#42, #43 2024წ.#2,#3, #4,5,6,7,8,9,10,11,12,15,15,17,18. #36,37,38,39,40,41,42,46,47. „ხმ“ 2025წ, #1,2,3,4,5).

ივანე და მიხეილ ციმაწკურიძეების მიწა - ადგ; იხ. მეღიაური. კაკლები - ადგ., სათესი. ქალიაშვილებს შორის 1938 წლის 24 აგვისტოს გაყრის განაჩენით „უფროს ძმას ალექსანდრე ქალიაშვილს საბადეთ ერგო კაკლებში რომ შემოღობილია“.

კოლას ახო - ადგ., საძოვარი დასავლეთის მხარეს. „კოლა გელაშვილი იყო“. კომპის უბანი - უბანი სოფლის ცენტრში. „აქ კომპი დგას“.

ლავაშას ახო - ადგ., საძოვარი დასავლეთის მხარეს. „ლავაშა ზედმეტი სახელია, გოგიტაშვილი იყო“.

ლაშეები - ადგ., საძოვარი ჩრდილო-დასავლეთის მხარეს მთაწმინდის ძირში. „მლაშე წყლებია“, „მლაშე წყლები გამოდის“.

ლაგაბიძეების უბანი - უბანი ჩრდილო-დასავლეთის მხარეს. „კომპის უბანში შედის“, „კუთვანის კომპის უბანს“.

ლაგაბიძეების წყარო - წყარო ლაგაბიძეების უბანში. „ლაგაბიძეებს ეკუთვნოდა“.

ლევანის ყორე - ადგილი სამხრეთის მხარეს. მტკვრის პირზე გაკეთებული დამცავი ზოლი ლევან ყიფიანმა და მისმა შვილებმა გააკეთეს, მტკვარი რომ აღიდებულყო და არ გადმოსულიყო. 1968 წელს დაინგრა შესანიშნავი ბაღი ჰქონდა ქვიშხეთის ძველი სკოლის ტერიტორიაზე. ლევან ყიფიანი აგრონომი იყო.

ლუკის ბილიკი - იგივე რაც ლუკის გზა. ლუკის გზა - გზა დასავლეთის მხარეს. გზა ციხისძირის ციხიდან (ბულბულისციხე) მიემართება კორღანოსა და მთაწმინდის მთებით ბორჯომისაკენ.

ამ გზითლუკებს გადაჰყავდათ ტყვეები და მიჰქონდათ საქონელი ბორჯომის ხეობაში ახალციხეშიგასაყიდლად. ახალციხე ამ პერიოდში (XVIII საუკუნე და XIX საუკუნის დასაწყისი) ტყვეთა სყიდვის უმნიშვნელოვანესი კერა იყო. იგივე რაც „აბაშიძეების გზა“.

ლიხი - ადგილი, რკინიგზის სადგური, მდებარეობს ლიხის ქედის აღმოსავლეთ კალთაზე, ქვიშხეთთან, მის ჩრდილოეთით. სურამის გვირაბის გაყვანის /1886-1890წწ/ დროს აქ ააგეს პატარა სადგური, რომელსაც ვარვარინო დაარქვეს. 1921 წლის შემდეგ ეწოდება ლიხი.

ლიხის უბანი - უბანი. როგორც ირკვევა ცნობილი იყო როგორც სოფელიც. ალექსი დას ერგო, სოლო, ვალოდია, სიმონ და გიორგი გურგენძეებს შორის 1930 წლის 20 მარტის გაყრის განაგენში აღნიშნულია: „...ჩვენ ქვემოთა მისა ხელის მამწერელნი ქვიშხეთის თემის სოფელ ლიხის უბანში მცხოვრებლებ...“ /ხრა, ფ.17, აღწ. I, საქმე 12, ფურც.2/. იპოლიტე, ვასილ და სიმონ ღონდაძეების 1929 წლის 5 ოქტომბრის გაყრის განაჩენში აღნიშნულია: „...ქვემოთ მისი ხელის მომწერლები მცხოვრებელი სოფელს ლიხშიდ“.

ლიხის ქედი - ქედი დასავლეთ მხარეს. იგივე რაც სურამის ქედი. ლიხის ფერდა - ადგ., სათესი ჩრდილოეთის მხარეს.

მაჭარაშვილების ღელე - ღელე, მოედინება ტაშისკარიდან. იგივეა რაც ლომსაძეების ღელე.

მელიაური - ადგ.; 1853 წლის 5 მარტს დავით სუმბათოვი ხელმოწერა აძლევს მას სვიმონ სუთიაშვილს: „ესე ნასყიდობის წერილი დაგინერე და მოგეცით მე, ქვემოთ მისა ხელისა მომწერელმან, გორის უეზდისა, სურამის უჩასტკისა, სოფელსა ქვიშხეთის მებატონეთ თავადმა დავით ალექსანდრეს ძემ ზუმბათოვმა თქვენ, ამავე ქვიშხეთში მცხოვრებელთ, საბატონო გლეხთ, ქაიხოსრო ავალოვის ყმათ, სვიმონა, გიორგი, სოსია და გაბრიელა სუთიაშვილებსა. ესრეთ რომელ მოესყიდნა თქვენთვის თავადი აბაშიძის ასულს, კნეინა ეკატერინა მუხრანოვისასა ჩყნა (1851), რიცხვსა ამა თებერვალსა იგ(13) დღესა ქვიშხეთში მდებარე სახნავი დღენახევრისა მიწა, სახელდობრ მელიაური სამძღვრებთ ამისი აღმოსავლეთით ზალიკა ყიფიანის მიწა, დასავლეთით ივანე და მიხეილ აზნაურთ ციმაწკურიძეებისა მიწა, ჩრდილოეთით ისევ ჩემის მიწის მიდგამდინ, რომელიც არის მოსყიდული მიწის ნახევარი. სამხრეთით ისევ თქვენ სუთიაშვილების მიწა და ამ ხსენებული დღენახევარი მიწის ფასათ მიედოთ ზემოთ ხსენებულს მამსყიდველთ თქვენგან სრულებით ხუთი თუმანი თეთრი ფული და დაშთენილიყო თქვენ სუთიაშვილების ფლობაში აქნობამდე და ამ ზემოთ ხსენებულს მიწაზედ მოვიდა აპეკიდამან თქვენზედ აღკრძალვისა ქაღალდი და შემდგომ ისევ გაგირიგდით და მოგიყდე მოწმირებითა ჩემის კეთილის ნებითა, ესე იგი ხსენებული მელიაურის მიწა და ახლათ მივიღ კიდევ თქვენგანა ოთხი თუმანი თეთრი ფული, რომელიცა შეადგენს სრულებითა თქვენგან მოცემული ძველათ და ახლათ ცხრა თუმანს თეთრს ფულსა და ესე იგი მიწა უნდა დამთეს საკუთარს თქვენს ფლობებობაში, რომელ ამიერიდგან მე დავა არავითარი აღარა მექნებარა თქვენთანა, არც მე და არცა ძმებთა ჩემთა და არცა სხუათა ვისმე...“.

მთაწმინდა - ადგ., მთა დასავლეთის მხარეს. აქ არის ეკლესია. „ეს მთა, ფიქრობენ იფარავს ქვიშხეთის დიდი წვიმებისაგან და სეტყვისაგან. აქ წმინდა გიორგის ეკლესიაა“.

მთაწმინდის კალთა - ადგილი დასავლეთის მხარეს.

მთაწმინდის სერი - ადგილი დასავლეთის მხარეს. „მთაწმინდის კალთის ძირია“.

მთაწმინდის წმინდა გიორგის ეკლესია - სალოცავი.

მიხეილის წყარო - წყარო დასავლეთის მხარეს. „მთაწმინდაზე მიმავალი ღამისთველები ხმარობენ ამ წყაროს. მთაწმინდის დასავლეთით ჩაკეცილასთან ახლოსაა, მარჯვნივ“.

მუხები - ადგ., სალოცავი, სათესი. მჭედლიშვილების უბანი - უბანი ჩრდილოეთის მხარეს. „ცალკე სოფელი იყო, მჭედლიშვილები ცხოვროვდნენ“.

ნაფურის მიწა - ადგ., სახნავი. მჭედლიშვილებს შორის 1939 წლის 11 მარტის გაყრის განაჩენით ძმებმა სერგო, შოთა, ირაკლი, ევგენი სიმონის ძე მჭედლიშვილებმა მიიღეს ცალ-ცალკე მეოთხედი ნაწილი მიწისა..

ნაფურები - ადგ., სახნავი ჩრდილოეთის მხარეს. „ეხლა სათიბები განაფურებული ნიადაგი იყო. ღონდაძეების უბანს ეკუთვნოდა“.

ნახვეტარა//ნახვეტრები - ადგ., სათესი, სახნავი სამხრეთ-აღმოსავლეთის მხარეს, იქ სადაც მოლა უერთდება მდ. მტკვარს. „მტკვრის მარცხენა სანაპიროზეა. ცხრაშუხის ზემოთაა. ქარი რომ ამოვარდებოდა, სულ მიწას აიღებდა ხოლმე, ახვეტავდა ხოლმე“.

ნესტორის ბაღი - ადგილი ჩრდილოეთის მხარეს. „ხილის ბაღი იყო“, „ნესტორი მგონი ღონდაძე იყო“.

ნიჩიკა გიგიტაშვილის მიწა - ადგ; იხ. ნახვეტარა.

ოსინეების უბანი - ადგ; უბანი ჩრდილოეთ მხარეს. „კომპის უბანში შედის, მატერაშვილები არიან“.

პავლაძის კარების მიწა - ადგ., სათესი. ჯიბო ქურდაძესა და მის შვილებს შორის 1929 წლის 10 ნოემბრის გაყრის განაჩენით, მამას და მის მცირეწლოვან შვილებს

შალიკოს, მიხას, პავლეს და ვანოს ერგოთ მიწის ეს ნაკვეთი . პანტნარი - ადგ., საძოვარი დასავლეთის მხარეს. „მეტი წილი პანტნარ“.

პატარა მოლა - მდინარე, მოედინება ბულბულისციხიდან დიდი შოლის პარალელურად. „ვანტანგ VI-ის არის ნაშთია“, „შოლის პირიდან გაიტანა ე.დ. მეფემან ვანტანგ რუი, რამეთუ იყო მინდორი ესე უწყლო, და ჰყო წისქვილნი, და სმენ პირუტყუენი“.

რუსის მარა - ადგილი; იხ. შოლის პირი

საბაშო - ადგილი, ტერიტორია, სათავადო გვიანდელ ზემო ქართლში. მდებარეობდა ისტორიულ შიდა ქართლის დასავლეთით, მდ. შოლას აუზში. შედიოდა შემდეგი სოფლები: ტუზერი, გუდეთი, ბედლითი, მონასტერი, ციხისძირი /ბულბულისციხე/, შოლისპირი, ტაშისკარი, გოგალეთი, ზვარი, ჩრდილი, ნუნისი, მებოძირი, ვახანი. მათვე ეკუთვნოდა ზემო ჭალა, ცხრაშუხა, ყიფიანთუბანი, სავანის უბანი, რუსაანთუბანი.

საბურდები - ადგ., მთა, ტყე ჩრდილო-დასავლეთის მხარეს. სამქვა - ადგ; იგივეა რაც თავკოკოლა.

სამთხის კლდე - ადგ., კლდე ჩრდილო-დასავლეთის მხარეს. „ვითომ სამი თხა იყო, გარეული თხები“, „სამი თხა გადმოდებოდა თურმე“

სართუმელა მიწა - ადგ., სახნავი. პავლაძეებს შორის 1926 წლის 24 ოქტომბრის გაყრის განაჩენით ლექსო პავლაძეს ერგო ნახევრი, მეორე ნახევარი კი ვასილ პავლაძეს .

საჯვარის სერი - ადგ., სერი დასავლეთის მხარეს. „საზღვარია ქვიშხეთსა და ხარაგაულის რაიონს შორის“.

სუთიაშვილის // სუთიაშვილების მიწა - ადგ; იხ. მეღიაური, შოლის პირი. ტყემლის მიწა - ადგ., სათესი, დაფიქსირებულია გიო გიორგის ძე ფილიმონ, სოგრატა, ნუცა და

ნატო გიგიტაშვილებს შორის 1929 წლის 6 ნოემბრის გაყრის განაჩენში .

ფასიტაშვილის მამული - ადგ; სახნავი, სათესი. დაფიქსირებულია 1770 წლის 2 აპრილს სარიდან ავალიშვილის მიერ ნიკოლოზ აბაშიძისათვის მიცემულ მიწის ნასყიდობის საბუთში: „...ესე ნასყიდობის წიგნი და სიგელი დაგინერეთ და მოგეცით და მო[გ]ყიდნეთ ჩვენ, ავალიშვილმა სარიდან და ძმამა ჩემა ფარსადან, თქვენ, აბაშიძე ნიკოლოზს და შვილსა თქვენსა სვიმონსა და გიორგის და იოვანეს და სახლისა თქვენისასა მამავალსა. ასე, რომ დაგჭყირდა და მოგიყიდნეთ ქვიშხეთს ჩვენი სამკვიდრო მამული ფასიტაშვილის მამული“.

ფერდები - ადგ., სათესი

ფერიცვალა - ადგილი ჩრდილოეთის მხარეს. აქვეა სალოცავი - ფერიცვალის ეკლესია. „მზიანი ადგილია და ალბათ შემოდგომაზე ყველაზე ადრე იცვლის ფერს“.

ფერიცვალის წყარო - წყარო ჩრდილოეთის მხარეს.

ქაიხსრო ავალიშვილის მიწა - ადგ; იხ. ნახვეტარა.

ქაკოკოლიას საძოვარი - ადგ., საძოვარი დასავლეთის მხარეს.

ქვედააყლოები - ადგილი დასავლეთის მხარეს მთაწმინდის ძირში.

ქვედამიწები - ადგილი.

ქვიშხეთის მინდორი - ადგილი, მინდორი. „...მეფემან დავით, მოუწოდა სპათა თვისთაა, წარმოემართა და თანა წარმოიყვანა ძე მისი ვანტანგ, გადმოვიდეს და დადგეს ტაშისკარს, ქვიშხეთის მინდორსა“ .

ქვიშხეთის ციხე - ციხე სოფლის ცენტრში

ქურდაძეების მიწა - ადგ., სახნავი. ლექსო და ვასილ ნიკოლოზის ძე პავლაძეების 1926 წლის 24 ოქტომბრის გაყრის განაჩენით „...ლექსოს ერგო ქურდაძეების მიწისაგან ნახევარი...“ ახოს მიწა.

ღონდაძეები - უბანი ჩრდილოეთის მხარეს.

ყაზიშვილების წყარო - წყარო სოფლის ცენტრში. „ყაზიშვილები ცხოვრობენ აქ“. ყორღანი - ადგ., გორაკი დასავლეთის მხარეს. „მთაწმინდის დასავლეთის მხარესაა, ჩაკეცილასა და მთაწმინდას შორის არის, ამაღლებული ადგილია“.

მოლა - იგივეა რაც დიდი მოლა.

შოლის პირი - ადგილი; ძველი ნასოფლარი. სახელწოდება იმაზე მიგვანიშნებს, რომ იგი მდინარე შოლის სანაპიროზე იყო. მდებარეობს ქვიშხეთთან ახლოს.

შუა ჭალის მიწა - ადგ., სახნავი. ლექსო და ვასილ პავლაძეებს შორის 1919 წლის 24 ოქტომბრის გაყრის განაჩენით „შუა ჭალის მიწა ლექსოს ერგო მთლად“ .

ჩიტაძეები - უბანი ჩრდილო-აღმოსავლეთის მხარეს. 1715 წლის რუსის სამწყოს დავთრის მიხედვით ქვიშხეთში სამი კომლი ჩიტაძე ცხოვრობდა.

ჩრდილის გზა - ადგ., გზა ჩრდილოეთის მხარეს.

ჩუმახევი - ადგ., მთა, ტყე.

ჩუმახევის წყალი - ღელე ქვიშხეთში, უერთდება შოლას ბულბულისციხესთან.

ცივწყაროები - ადგილი დასავლეთის მხარეს. „წყაროები გამოდის, ლაშებშია“.

ცუცქირიძეების წყარო - წყარო ჩრდილო-დასავლეთის მხარეს. აქ ცუცქირიძეები ცხოვრობდნენ. „1934 წელს რომ გამოიყვანეს წყალი, ცუცქირიძეებთან დაიდგა და არის უხლაც ის წყალი“.

ცხრაძმადლე - ღელე დასავლეთის მხარეს. „ცხრა ხე იყო“.

წმინდა გიორგის ეკლესია - სალოცავი დასავლეთის მხარეს მთაწმინდაზე.

წმინდა ელიას ეკლესია - სალოცავი დასავლეთის მხარეს ლაგაბიძეების უბანში

წმინდა მარინეს ეკლესია(1) - სალოცავი ჩრდილო-დასავლეთის მხარეს ლაგაბიძეების უბანში

წმინდა მარინეს ეკლესია (2) - სალოცავი ჩრდილო-დასავლეთის მხარეს ჭალის უბანში.

წყაროს ღელე - ღელე. კოლა და ალექსი გიგიტაშვილების 1939 წლის 2 თებერვლის გაყრის განაჩენში ლექსო გიგიტაშვილის ბაღის ჩრდილოეთის მხარის საზღვარი. .

ჭალის მიწა- ადგ., სათესი. ჯიბო ქურდაძესა და მის შვილებს შორის 1929 წლის 10 თებერვლის გაყრის განაჩენით გიორგი ქურდაძეს ერგო ჭალის მწიდან ერთი მეექვსედი.

ხაჩიძეებს შორის 1931 წლის 19 იანვრის გაყრის განაჩენით ჭალის მიწებიდან სიმონ ხაჩიძეს შეხვდა ერთი დღიური შემდეგ საზღვრებში: „აღმოსავლეთით ფოშტის გზა, დასავლეთით რკინიგზა, ჩრდილოეთით ილიკო ხაჩიძე და სმხრეთით სასოფლო გზა“.

ჭალის უბანი - უბანი ჩრდილო-აღმოსავლეთის მხარეს. „ჭალა იყო ალბათ ადრე, მერე გაჩეხეს და დასახლდნენ“.

თამაზ ლაგაბიძე

(გაგრძელება იქნება)

ასე აღნიშნავენ დედის დღეს ჩვენს პლანეტაზე

ბევრმა შეიძლება არ იცოდეს, თუ საიდან იწყება დედის დღის ტრადიცია. შეიძლება გაგიკვირდეს კიდევ, მაგრამ ჯერ კიდევ ანტიკურ ხანაში, ძველმა ბერძნებმა დღესასწაული ზევსის დედის პატივსაცემად მოაწყვეს. აქ ქალღმერთისთვის ყვავილები, საქონელი და თაფლაკვერი მიჰქონდათ. ტრადიცია საბერძნეთის იმპერიის დაცემასთან ერთად დასრულდა, თუმცა შუა საუკუნეებში ზოგიერთ ქვეყანაში აღადგინეს.

დღევანდელი სახით თანამედროვე დღესასწაული ქალთა მოძრაობის პირველ ტალღას, ამერიკის შეერთებულ შტატებში უკავშირდება. იგი პირველად 1910 წელს ვირჯინიის შტატში აღინიშნა, ხოლო 1914 წელს ოფიციალურ დღესასწაულად გამოცხადდა და მის ფუძემდებლად ანა ჯარვისი ითვლება. მას შემდეგ ამერიკაში დედის დღე ყოველწლიურად, როგორც ერთ-ერთი ყველაზე დიდი დღესასწაული, ყვავილების, ღია ბარათების ჩუქებით, ტკბილეულითა და სატელეფონო ზარებით, აღინიშნება.

დედის დღე სხვადასხვა ქვეყნებში

დედის დღე მთელ მსოფლიოში სხვადასხვა დროს აღინიშნება, უმეტესად, მაისის მეორე კვირა დღეს. თითოეულს თავისი კულტურული, განსხვავებული მნიშვნელობა აქვს. თუმცა, ყველა ერთ მიზანს ემსახურება. გაერთიანებულსამეფოში დედის დღის ტრადიცია საეკლესიო დღესასწაულად დაიწყო და შუა საუკუნეებში, 1500-იან წლებში, აღინიშნებოდა როგორც „დედათა კვირა“. ამ დროს, დიდმარხვის მეოთხე კვირას ადამიანები ეკლესიაში მიდიოდნენ და ამ დღეს ოჯახთან ერთად ატარებდნენ. მას შემდეგ, დღესასწაული ნაკლებად რელიგიური გახდა და აღინიშნება ყვავილებით, საჩუქრებით ან ბრანჩით.

ფრანგული დედის დღე, რომელიც ასევე ცნობილია როგორც Fête des Mères, მოდის ქალთა თანასწორობის ისტორიული დღესასწაულიდან. 1920 წელს საფრანგეთის მთავრობამ გამოაცხადა ეროვნული დღესასწაული დედებისა და ქალთა თანასწორობის აღსანიშნავად. Fête des Mères აღინიშნება მაისის ბოლო კვირას. ტრადიციულად, დღესასწაულები მოიცავს დიდ ტრაპეზს და მცირე საჩუქრებს.

დედები მექსიკურ კულტურაში ერთ-ერთ ყველაზე მნიშვნელოვან როლს ასრულებენ და Dia de las Madres - ამ ქალების მიერ გაღებულ მსხვერპლსა და უფლებებს ასახავს. ტრადიციულად, ბავშვები 10 მაისს დედის გასაღვიძებლად ადრე დგებიან, მუსიკალურ პერფორმანსს ასრულებენ. ამ სპექტაკლების შემდეგ კი, ხელნაკეთ Dia de las Madres ბარათებსა და საჩუქრებს, უსახსოვრებენ. იმისთვის კი რომ დედას ვახშმის მომზადება არ მოუწიოს, დღესასწაულს მათთან ერთად რესტორანში აღნიშნავენ.

ამ დღის განსაკუთრებული მნიშვნელობით, არც საქართველოა გამონაკლისი. საქართველოში დედის დღე 1991 წლიდან სხვადასხვა ღონისძიებებით აღინიშნება და არასამუშაო დღეა.

ძველი საბერძნეთი

ქალღმერთი კიბელე წარმოშობით ძველი ფრიგიული ღვთაება, დიდი დედა, მიწიერ არსთა მშობელი, ბუნების ამყავებელი, განმანაყოფი ერებელი და ამალორძინებელი. კიბელეს მითი ასეთია: იღუმალეებით მოცული ძველი ფრიგიული ქალღმერთი მთის მწვერვალებზე ცხოვრობდა და დააქროლებდა ძვირფას ეტლს, რომელშიაც შებმული ჰყავდა ლომები და ჯიქები. მას შეუყვარდა ჭაბუკი ატისი, ატისმა კი მოკვდავი ქალი ამჯობინა. განრისხებული კიბელე ქორწილში გამოჩნდა და ყველა გააგიჟა. გადარეული ატისი მთაში გაიქცა და თავი მოიკლა. კიბელეს, როგორც დიდიდედის დღესასწაულს მცირე აზიაში გაზაფხულზე აღნიშნავენ. კიდევ ერთი ძველ ბერძნული ქალღმერთი, რომელსაც ძველი ბერძნები თავყვანისცემის ნიშნად დღესასწაულებს უძღვნიდნენ, რეა იყო. მას ღმერთების დედად მიიჩნევდნენ.

რეას ხშირად მოიხსენიებდნენ როგორც მეტრი თეონი (“ღმერთების დედა”) და ძველი საბერძნეთის გარშემო რამდენიმე ტაძარი იყო რეასთვის მიძღვნილი. მას თავდაპირველად თავყვანს სცემდნენ კუნძულ კრეტაზე, რომელიც მითოლოგიაში ზევსის ახალშობილობისა და აღზრდის ადგილად აღიარეს. რეას რიტმულ, მკაცრ გალობას და ცეკვებს უძღვნიდნენ, რომელსაც ტიმპანონის (ფართო, ხელის ღრამი) თანხლებით ასრულებდნენ.

ძველი რომაული დედების ფესტივალი “ჰილარია”

ჰილარია ძველ რომაულ რელიგიურ ფესტივალებს ერქვა, რომლებიც მარტის ბუნობის დროს აღინიშნავდნენ.

რომაელები ჰილარიას ასევე, 25 მარტს ზეიმობდნენ. ცნობილია “დედის ფესტივალზე” შესრულებული თამაშები ღმერთების დედის საპატივცემულოდ. ასევე, იყო საზეიმო მსვლელობა, რომელშიც ატარებდნენ ქალღმერთის ქანდაკებას.

რაც შეეხება თანამედროვე დედის დღეს, რომელსაც არც თუ ისე დიდი ისტორია აქვს, ამერიკაში წარმოიშვა და ამ დღესასწაულმა გამოხმაურება საქართველოშიც ჰპოვა.

საქართველო

დედის დღე 3 მარტია. ის ქვეყნის პირველმა პრეზიდენტმა ზვიად გამსახურდიამ დააწესა. დედის დღეს საქართველოში ქალთა საერთაშორისო დღე – 8 მარტი უნდა ჩაენაცვლებინა, თუმცა ის ცალკე მაინც აღინიშნება. 3 მარტი ოფიციალურად უქმე დღეა. ტრადიციულად შვილები დედას ყვავილებს, ღია ბარათებს ან სიმბოლურ საჩუქრებს ჩუქნიან.

აშშ

„დედის დღის“ სამშობლოდ შეერთებული შტატებია მიჩნეული. ამ დღის აღნიშვნის პირველი მცდელობა 1972 წელს იყო. აქტივისტმა ჯულია უორდსმა გამოთქვა სურვილი, ყოფილიყო ისეთი დღესასწაული, რომელიც გააერთიანებდა ყველა დედას მშვიდობისთვის ბრძოლაში. მან საამისოდ არაერთი აქცია მოაწყო, მაგრამ უსაფუძვლოდ. მხოლოდ მოგვიანებით, 1907 წელს, მოქალაქე ანა ჯავისმა, რომელიც ითვლება ამ

დღის ერთ-ერთ ფუძემდებლად, დაიწყო ოფიციალური წერილების მისწერა ჩინოვნიკებისთვის, რომ აუცილებელი იყო დედის დღის დაწესება.

მისი მცდელობები წარმატებით 1910 წელს დასრულდა და ვირჯინიის შტატში ოფიციალურად პირველად აღნიშნეს დედის დღე. ოთხ წელიწადში კი ის უკვე ოფიციალურად მიიღეს და მას მერე დღესასწაულს აღნიშნავენ ყოველი წლის მაისის მეორე კვირა დღეს. დედის დღეს ამერიკაში დიდი ენთუზიაზმით აღნიშნავენ.

ადამიანები განსაკუთრებით აფასებენ და ხაზს უსვამენ მათ ცხოვრებაში დედის აუცილებლობას და მადლობას უხდებიან მათ უანგარო, უპირობო სიყვარულისა და მხარდაჭერისთვის. დედის დღე ამერიკაში, შობისა და ვალენტინობის შემდეგ, ყველაზე დიდ დღესასწაულად ითვლება. ამ დროს სატელეფონო ხაზები გადატვირთულია, საბარათე გაყიდვები პიკს აღწევს და რესტორნები სრული დატვირთვით მუშაობენ. დედის დღის ტრადიციები ძირითადად მოიცავს საუზმეს საწოლში, ყვავილების თაიგულს, ღია ბარათებს ან საჩუქარს, და ვახშამზე დაპატიჟებას.

დიდი ბრიტანეთი

დედის დღის ტრადიციას დიდი ისტორია აქვს და ის აღინიშნება მარხვის მეოთხე კვირას, გამომდინარე აქედან, მისი თარიღი მუდმივად ცვალებადია. მას 17-ე საუკუნიდან აღნიშნავენ და დედის კვირეულს უწოდებენ.

ინგლისიც ფაქტიურად ერთ-ერთი პირველი ქვეყანა იყო, რომელმაც გამოყო წელიწადში ერთი დღე დედის დღის აღსანიშნავად. ბრიტანეთში შემორჩენილია ტრადიცია, რომლის მიხედვითაც დედებისთვის ნუშის ნამცვარს ამზადებენ და მას „mothering cake“ (დედის ნამცხვარს) უწოდებენ.

იაპონია

იაპონიაში დედის დღის დაწესებას პირველად 1931 წელს შეეცადნენ. მაშინ იყო სურვილი, რომ ეს დღე იმპერატორის იუბილეს დამთხვეოდა. თუმცა, ეს ტრადიცია არ გაგრძელდა.

ახლა იაპონიაში, ისევე როგორც სხვა ქვეყნების დიდ ნაწილში, დედას



ყვავილებს და ღია ბარათებს ჩუქნიან მაისის თვის პირველკვირა დღეს.

გერმანია

ამ დღესასწაულს გერმანიაში საფუძველი 1923 წელს ჩაეყარა, ხოლო როგორც სახელმწიფო დღესასწაული, აღინიშნება 1933 წლიდან. საფუძველი ფლორისტების გაერთიანებამ ჩაუყარა.

მისი მიზანი იყო პატივი ეცათ პირველი მსოფლიო ომის მონაწილე დედებისთვის. მას შემდეგ წელიწადში ერთხელ, მაისის მეორე კვირას, გერმანული დედეები ე.წ. „Muttertag-ს“, დედის დღეს ზეიმობენ.

საფრანგეთი

დედის დღეს საფრანგეთში მაისის ბოლო კვირა დღეს აღინიშნავენ. ტრადიციულად, ამ დღეს ოჯახში ოჯახური სადილი იმართება, ხოლო დედეები საჩუქრად ყვავილების თაიგულის ფორმის ნამცხვარს იღებენ.

დედის განსაკუთრებული როლის შესახებ საუბარი და პატივისცემა საფრანგეთში ჯერ კიდევ ნაპოლეონ ბონაპარტეს ეპოქიდან მოდის, ხოლო 1950 წლიდან დედის დღე- La Fete de Meres ოფიციალურად შეიქმნა.

ავსტრალია

ავსტრალიაში დედის დღე მაისის მეორე კვირა დღეს აღინიშნება. არსებობს დედის დღის მილოცვის ტრადიცია ყვავილებით. გარდა საკუთარი დედებისა, ბავშვები პატივს სცემენ მათ ბებიებსა და სხვა ქალბატონებსაც, რომლებიც მათ დედეებით უვლიან და ზრუნავენ მათზე.

მიხაკებით (ისევე როგორც აშშ-ში), დედას დღესასწაულს ფერადი მიხაკებით ულოცავენ, თეთრი მიხაკები კი გარდაცვლილი დედებისთვის პატივის მისაგებად გამოიყენება.

კანადა

სხვა ქვეყნების მსგავსად, კანადაშიც დედის დღის მისალოცად ყველაზე ხშირად ღია ბარათებს, ყვავილებს და საჩუქრებს იყენებენ. იგი, შობისა და ვალენტინობის შემდეგ, სიდიდით მესამე დღესასწაულად მიიჩნევა.

აღინიშნება მაისში ამერიკის და ავსტრალიის მსგავსად და საზოგადოებაში ძალიან დიდ ემოციურ დატვირთვას ატარებს.

ბრაზილია

ყოველწლიურად მაისში აღინიშნება დედათა დღე-Diadas Mães ბრაზილიაში. ამ ქვეყანაში ოჯახების დიდ ნაწილში სამზე მეტი ბავშვია, ამიტომაც მარტივი წარმოსადგენია, როგორც მასშტაბურად და მხიარულად აღინიშნავენ ამ დღეს.

ტრადიციულად ამ დღესასწაულზე ოჯახის წევრები ერთად იკრიბებიან, საგანგებოდ ამ დღისადმი მიძღვნილი ღონისძიებები იმართება.

ხელოვნების უმაღლეს რანგში აყვანილი ჭადრაკის დაფები და ამ ხელოვნების შემქმნელი ცხოვრებაშვილების ოჯახი

„ხაშურის მოამბე“ აქტიურად ხვდება და გაცნობთ მეწარმე ინდივიდებს, თუმცა არცთუ ხშირად შეხვედრივართ მეწარმე ოჯახებს. ოჯახებს, რომლებიც ყველა წევრით ჩართულია მეწარმეობაში და თითოეულ მათგანს საკუთარი როლი და წვლილი აქვს ოჯახურ საქმიანობაში. ქალაქში ცხოვრობს ზეზვა ცხოვრებაშვილის ოჯახი, რომლის ხელნაკეთი ჭადრაკის დაფები მთელი საქართველოსთვის ცნობილია. მათ მიერ დამზადებული ჭადრაკი არაერთ ოჯახში ინახება. პირველად, ფართო საზოგადოებისათვის, ხაშურში, ვგონებ, გასულ წელს, „ხაშურის“ დღეზე გამოფინა ნამუშევრები ოჯახმა. მათთან შეხვედრაც რედაქციის მიერ იმ დროისათვის დაიგეგმა, თუმცა, რატომღაც დღემდე



განზრახვა სისრულეში ვერ მოვიყვანეთ. ჭადრაკის დაფების ოსტატ ოჯახს მინ ვესტუმრე. საუბარი სასიამოვნო და ოჯახის უფროსის მიერ დამზადებული ხელნაკეთი ნივთების გარემოცვაში შედგა. კაკლის ხის მასალისაგან ჭადრაკის დაფებს ოჯახის ხელმძღვრევე ოსტატი ზეზვა ცხოვრებაშვილი ამზადებს უმცროსი ქალიშვილის, ხაშურის მეექვსე საჯარო სკოლის მოსწავლის, თეკლეს მიერ შექმნილი ესკიზებით, დაფებზე წარწერებს ლამაზი კალიგრაფიის მქონე უფროსი ქალიშვილი, სამედიცინო უნივერსიტეტის პირველი კურსის წარჩინებული სტუდენტი ლიზი აკეთებს და ბოლოს, ჭადრაკის დაფების რეალიზებაზე პასუხს ოჯახის დიასახლისი პედაგოგი მედეა ესებუა აგებს. ჩვენი რეპორაჟი დღეს მედეა ესებუა და მისი ქალიშვილი თეკლე არიან.

- როგორ დაიწყო თქვენი ჭადრაკული თავგადასავალი?



- როდის დაიწყო კორონა პანდემია? 2020 - ში ხო, აი ზუსტად იქიდან მოდის ჩვენი „საშითვოს“ დაბადება. „საშითვო“ ჩვენი ოჯახური ბიზნესის ონლაინ გვერდი ინტერნეტ სივრცეში. ძველად, საუკუნეების წინ, საქართველოში მზითვად ატანდნენ ჭადრაკს „ვეფხისტყაოსანთან“ ერთად და ამიტომაც შევარჩიეთ ეს სახელი. ამ გვერდის დახმარებით ვაკეთებთ ნამუშევრების რეალიზაციას. 2020 წლამდე ხეზე მუშაობდა მეუღლე, მისთვის ეს პოზი იყო უზოგადოდ, ხელმძღვრევე ადამიანი, თუ რამეს ხედავთ აქ, მისი გაკეთებულია, „ხელმძღვრევე ოსტატს“ ვუწოდებთ ოჯახში. ხეზე მუშაობა ყოველთვის განსაკუთრებით უყვარდა... უზომო მოჭყერით დიდი კაკლის ხე, ბევრი წელი გვენახებოდა დაგვეწვა შემაღ. პანდემიის დროს, როდესაც ჩავიკეტეთ, იფიქრა, იმ კაკლის ხისგან გაკეთებინა ჭადრაკის დაფა, ვნახოთ რა გამოვივაო და მართლაც, შეუდგა საქმიანობას და შექმნა პირველი ჭადრაკის დაფა. ვნახობთ, რომ პირველი ნამუშევარი გაიყიდა და არ არის ჩვენს ოჯახში.

ოჯახის დიასახლისი გვიყვება, რომ ის კაკლის ხე ხუთი წელი იყო უზომი. პანდემიის დროს, თავისუფალი დროც გაჩნდა და იდეაც ჭადრაკის და ნარდის დაფების გაკეთების. ხეზე მუშაობა ეზერხებოდა, ხელსაწყოები ჰქონდა, ოჯახისათვის



რატომ კაკლის ხე, იმიტომ, რომ თურმე, კაკალს ძალიან ლამაზი მასალა აქვს, მისი გული მუქია, გარეთა მრე დია ფერის და ძალიან ლამაზია. გამძლეა და ჭია არ უჩნდება. კაკლის ხე სამწლიანი დაძველებით თუ არ არის, ვერ მუშაობს ზეზვა და ასეთი მასალის შოვნა ძალიან ძვირია ამ ეტაპისთვის, როგორც ქალბატონი მედეა ამბობს. ზეზვა თვითნასწავლი ოსტატია, თავად ეძიებს და იმპროვიზირებს ხეზე მუშაობის ხელოვნებას. - როდესაც ზეზვამ დაამზადა პირველი ჭადრაკი, ვიფიქრეთ განგვეთავსებინა ინტერნეტში, რასაც ძალიან დიდი გამოხმაურება მოჰყვა, გამოჩნდნენ შეძენის მსურველებიც და ასე დაიწყო ჩვენი საქმიანობა. ჩვენი პირველი ხელნაკეთი ჭადრაკი თბილისში ინახება, ლიპარტელიანების ოჯახში. პირველი ნამუშევარი, პირველი ჭადრაკი ძალიან განსაკუთრებულია, განუმეორებელი. საერთოდ ყველა ნამუშევარი განსხვავებულია, ორი ერთნაირი ჭადრაკი ზეზვას ქმნილებებში არ მოიძებნება.

- ჭადრაკის ფიგურებს თუ ამზადებს თქვენი მეუღლე?

- ჭადრაკის ფიგურების დამზადება ძალიან დიდ დროს მოითხოვს, ძალიან მრომატევალია...

აქ საუბარში თეკლე ერთვება. ოჯახის უმცროსი წევრი გვიყვება რომ არსებობს დაზგა, რისი მუშეობითაც მზადდება ფიგურები. დაზგა

ძვირადღირებულია და სამომავლოდ ოჯახი გეგმავს მის შექმნას. თეკლე, როგორც დასაწყისში აღვნიშნეთ, ჭადრაკის დაფების ესკიზებს ქმნის, მისი დიზაინტი მზადდება ყველა მათგანი. ამბობს, რომ დაფების დიზაინი განსხვავებულია, ინდივიდუალური, დამკვეთის სურვილების გათვალისწინებით შექმნილი. თეკლეს თვითნასწავლია, ბავშობიდან სატავს და კარგადაც გამოსდის. ამბობს, რომ ამ ეტაპზე მართალია პროფესია მერჩეული აქვს და უნივერსიტეტში გეგმავს სწავლის გაგრძელებას, მაგრამ, წლების შემდეგ, სატავს აუცილებლად მიუბრუნდება, სატავა მისი დიდი გატაცებაა. ჭადრაკის დაფაზე მიძღვნილ წარწერებს კი თეკლეს უფროსი და ლიზი აკეთებს. მას განსაკუთრებით ლამაზი კალიგრაფია აქვს და ამიტომაც ჭადრაკის დაფების დამზადების ეს ნაწილი მის პასუხისმგებლობაშია. ჭადრაკის დაფაზე წარწერების დასატანად გამოიყენებენ საწველ აპარატს, რომელიც ასევე ზეზვა ცხოვრებაშვილს დაუზადებია. თეკლე თვლის, რომ რის გამოც მყიდველს შესაძლოა მოუნდეს მათ მიერ სიყვარულით შექმნილი ჭადრაკის ფლობა, არის ის, რომ პირველ რიგში, ექსკლუზიურია, განსხვავებული. ბევრს არ აქვს ფუფუნება, თავისი მოფიქრებული დიზაინი, იდეა სრულყოფაში მოიყვანოს ოსტატმა და ოჯახში ინახებოდეს.



- საქართველოში ჭადრაკის დაფებს მხოლოდ ზეზვა ამზადებს, - გვიყვება მედეა ესებუა, - ბევრი იბრალებს, მაგრამ მათ ნამუშევრებს დავხვდებით თუ არა, განსაკუთრებით ჩემი მეუღლე, ვხვდებით, რომ ისინი არ არის ხელნაკეთი. დღემდე, ათასამდე ჭადრაკის დაფა აქვს დამზადებული ჩემს მეუღლეს. მას ჭადრაკის დაფის დამზადებისთვის ორი დღე სჭირდება მხოლოდ. უფრო ზუსტად, ერთი დღე, მეორე დღე დამზადებული ნივთის გამოშვას ეთმობა. ჭადრაკის გარდა ამზადებს ნარდსაც. მომწოდებლის და მყიდველი საქართველოს ყველა კუთხიდან გვიკავშირდება. განსაკუთრებით თბილისიდან და ბათუმიდან ინტერესდებიან. გასულ თვეს ბათუმელმა დედამ შვილისათვის სამუთავოდ



შეიძინა ჭადრაკი. ჩვენი ჭადრაკის დაფები გავიდა საზღვარგარეთაც, გაიყიდა იტალიასა და საფრანგეთში.

ზეზვა ცხოვრებაშვილის მეუღლე, ქალბატონი მედეა და მათი უმცროსი ქალიშვილი თეკლე ექსკლუზიური ნამუშევრებით მონაწილეობას იღებენ გამოფენებში. საკუთარი ქმნილებები გასულ წელს „ხაშურობასა“ და „წადვლი ფესტზე“ წარადგინეს. მონაწილეობდნენ კასპში ტექნოპარკში გამართულ „რეაქსილიაციის“ პროგრამაში ფიგურების დაზგის შესაქმნად შექმნილი პროექტით საქირო დაფინანსების მისაღებად.

- ზეზვას ხელნაკეთი ჭადრაკის დაფა ინახებოდა პრეზიდენტის სასახლეში. იულია სოროკინამ, ცნობილმა საუკეთესო მეთოქინემ საქართველოში, მეგვიკვეთა უზარმაზარი კომკის ფორმის ჭადრაკის დაფა ზომით 80/80-ზე, სადაც განათავსა მის მიერ ცვილისგან დამზადებული „ვეფხისტყაოსნის“ პერსონაჟების ფიგურები. ნამუშევარმა გამოფენის დროს საქართველოს პრეზიდენტის ყურადღება მიიქცია და სამი წლის განმავლობაში პრეზიდენტის სასახლეში

ინახებოდა ხაშურელი ოსტატის მიერ ხისგან დამზადებული ჭადრაკი.

„საშითვო“ საკუთარი ლოგოთი უკვე ხუთი წელია ბაზარზეა. ოჯახმა ზეზვას პოზი ბიზნესად აქცია. კითხვაზე, რატომ ჭადრაკი, პასუხის გაცემა უჭირთ. თვლიან, ალბათ უფლის ნებაა, რომ ეს საქმიანობა დაიწყეს და მისით გაძლიერდნენ. ერთი წლის უკან, ეზომი, სახელოსნოც აამყენეს და სამომავლოდ გაფართოებას გეგმავენ. სურთ, ხაშურის სახელი უფრო ფართოდ გაიტანონ, პოპულარიზაცია გაუწიონ ქალაქს მათი ნამუშევრებით და ერთგვარ სავიზიტო ბარათად გადააქციონ ხელნაკეთი, ხუმი გამოთლილი ჭადრაკი ხაშურისათვის.

წარმატებებს ვუსურვებთ ერთმანეთის სიყვარულით და პასუხისმგებლობით შექმნილ ოჯახურ ბიზნესს. თ. ახალკაცი



D განცხადება
მოგებმარებით ხე მცენარეების მოჭრა-გადაბეღვაში, შევისყიდი კაკლის ხეს. ტელეფონი- 551 16 19 84 დათო

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში.